

ЎЗБЕКИСТОН РЕСПУБЛИКАСИ  
МАРКАЗИЙ БАНКИ БОШҚАРУВИНИНГ  
ҚАРОРИ

**157** Тижорат банклари томонидан банк кафолатларини бериш тартиби тўғрисидаги низомга ўзгартиришлар киритиш ҳақида

*Ўзбекистон Республикаси Адлия вазирлиги томонидан 2016 йил 13 апрелда рўйхатдан ўтказилди, рўйхат рақами 2364-2*

Ўзбекистон Республикасининг «Ўзбекистон Республикасининг Марказий банки тўғрисида»ги Қонунига мувофиқ Ўзбекистон Республикаси Марказий банки Бошқаруви **қарор қилади:**

1. Ўзбекистон Республикаси Марказий банки Бошқарувининг 2012 йил 24 мартдаги 10/1-сон қарори (рўйхат рақами 2364, 2012 йил 15 май) (Ўзбекистон Республикаси қонун ҳужжатлари тўплами, 2012 й., 20-сон, 223-модда) билан тасдиқланган Тижорат банклари томонидан банк кафолатларини бериш тартиби тўғрисидаги низомга иловага мувофиқ ўзгартиришлар киритилсин.

---

*Ўзбекистон Республикаси қонун ҳужжатлари тўплами, 2016 й.*

2. Мазкур қарор расмий эълон қилинган кундан эътиборан кучга киради.

**Марказий банк раиси**

**Ф. МУЛЛАЖОНОВ**

Тошкент ш.,  
2016 йил 26 март,  
8/14-сон

Ўзбекистон Республикаси  
Марказий банки Бошқарувининг 2016 йил  
26 мартдаги 8/14-сон қарорига  
ИЛОВА

**Тижорат банклари томонидан банк кафолатларини бериш  
тартиби тўғрисидаги низомга киритилаётган  
ўзгартиришлар**

1. 8-банднинг тўртинчи хатбошиси қўйидаги таҳрирда баён этилсин:  
«тегишли давлат солиқ инспекциясига тақдим этилган сўнгги ҳисобот даври учун бухгалтерия баланси (1-шакл), молиявий натижалар тўғрисида ҳисобот (2-шакл), шунингдек 90 кундан ортиқ муддатдаги қарзларга доир солиштириш далолатномалари;».

2. 17-банд қўйидаги таҳрирда баён этилсин:

«17. Принципалнинг кредит лаёқатлилиги «стандарт», «субстандарт», «қониқарсиз», «шубҳали» ва «умидсиз» тоифаларда таснифланади.».

3. 18-бандда:

биринчи хатбошидаги «яхши» деган сўз «стандарт» деган сўз билан алмаштирилсин;

тўртинчи хатбошидаги «маблағларига» деган сўз «маблағлари оқимига» деган сўзлар билан алмаштирилсин.

тўққизинчи хатбоши қўйидаги таҳрирда баён этилсин:

«Кредитга лаёқатлилиги «стандарт» деб эътироф этилган принципалга берилган кафолат суммасининг бир фоизи миқдорида эҳтимолий йўқотишларга қарши захира шакллантирилиши лозим.».

4. 19-банднинг биринчи ва бешинчи хатбошисидаги «стандарт» деган сўз «субстандарт» деган сўз билан алмаштирилсин.

5. 20-банднинг биринчи ва бешинчи хатбошисидаги «субстандарт» деган сўз «қониқарсиз» деган сўз билан алмаштирилсин.

6. 21-банднинг биринчи ва тўртинчи хатбошисидаги «паст» деган сўз «шубҳали» деган сўз билан алмаштирилсин.

7. 22-банднинг биринчи ва еттинчи хатбошисидаги «ёмон» деган сўз «умидсиз» деган сўз билан алмаштирилсин.